



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

31. Comparatio Berzei cum Xauerio.

urn:nbn:de:hbz:466:1-11445

dices tangentibus quas videbas Deus lapidibus obrui. Certo tamen constat agrotos duos restituisse ab instanti morte; horum unus viri nobilissimi filius, cui alterum imputruerat lumen; pro utroque sacris operatus ita illos sanauit ut die eodem lecto exilirent. Arreptitiam, marito flagitante cum adire non posset, misit ad illam Chirographum suum, breui nominis Dei, & Matris Virginis inscriptum intuacione, quo uno illam a malo dæmoni liberavit. Agrotos alios, auditis eorum confessionibus vita simul huius exemit periculo, & in æternæ fiduciam reduxit. Sed haec adeò iejunè, infra etiam illa quæ non suæ, sed suorum fidei concessa significauit ipsem Berzeus, fortassis melius tacuisse ne existimetur, sola esse & miraculorum eius summa.

31.
Comparatio
Berzei cum
Xauerio.

Vixit annos Berzeus duodequadraginta, ut constat ex literis quas de se ipsem & hac sua aetate, paucis quam obiret mensibus ad Ignatiam dedit. Sed Indis excolendis annos tantummodo sex, & dies sedecim insumpit: vir plane magnus, & iis doctrinæ, pietatis, & caritatis animosa partibus excellens quæ operarium absoluunt Apostolis supparem, quem si Deus vita donasset longiori, habitura erat in eo India, alterum è Societate apostolum Succidaneum Xauerio, ante menses decem mortalibus exempto. Et vero id illum peculiariter oblectabat, quod sibi à Deo videretur duci, per calcata sancto suo Patri, ac praceptoris vestigia. De quo ipse ad amicos scribens, modumque indicans, quem in iuuandis hominibus teneret; me, inquit, subinde consolatur, quod horum quæ actito nonnulla, in rebus P. Magistri Francisci repério, cuius tamen indignum me arbitror calceamenti corrigiam soluere; et si erat ipsi tam similis quam bono magistro bonus discipulus. Nam & se proximis totum dabat, & voto obstrinxerat, nulli se yngquam labori parsurum, quod possit eorum animis aut corporibus prodeſſe. Neque propterea occupationes tam sedula amouebant illum a Deo longius, quin & in media illarum turba, perinde illi ardore facies cernebatur, ut si Deum contemplaretur otiosus. Quod de se fateri non dubitat, velut donum sibi cum aliis Euangelij praæconibus commune, in conuersiones infidelium distractis; quo nempe in plura dissiparetur magis, hoc se expertum penitus in Deum colligi, cui videlicet in omnibus laborabat vni, & a quo uno acceptam ferrebat suam illam agendi faustitatem in procuratione diuinæ gloriæ, hoc uno beatus si Christum cognoscerent, & amarent, qui prius nescissent, & odissent: ad haec in vexando asperius corpore nihil admodum fuit ab Xauerio diuersus; somni breuitas, vna in diem refectio, triduana saepe ieunia, vestitus quem ethnici, viro tot suspicido nominibus, & tanto stupebant esse, mendicis vilorem In alios vero lenitas, & miseratio, & tam pie solers, & amabiliter industria caritas ad fingendam ex aliena imbecillitate familiarem consuetudinem, vix ut cum villo ageret peccatore, quem Deo non lucrificaret. Ac si probasset Ignatius, Brachmanum, & Iogorum cultu percursum erat ethnicos illarum regionum ut eos vestium similitudine, & asperitatis, quam in iis yngice

uincè suspiciunt , & colunt , conciliaret legi Christianæ . Iam illa de se
abiectissima existimatio , peræque ut in Xauerio quicquid in se aut bo-
ni agnoscere , aut operaretur in aliis , fratum suorum orationi ac meri-
tis deberi statuebat . Non possum (ait nostros per literas in Lusitaniam
alloquens) Deum satis laudare , nutu tam paterno , & prouido , omnia
dilpenſantem , quod tantorum me reum scelerum , in hanc nihilominus
Societatem sanctam cooptauit , vbi mei me magis quotidiè pudet , spe-
cianti atque audienti fratum meorum affinem Angelis virtutem ,
& operam , quibus incitor vehementer , ad excutiendum vitiorum meo-
rum quo implicor eonum , & quo tanquam bufo lutulentus miserè
nutrio . Nisi precum vestrarum fiducia niterer , quas esse pro me apud
Deum assiduas arbitror , ad ea profecto nunquam animum adiecisse ,
qua per me abiectum Societatis abortiuum , dignatur Deus perficere . Demum ne longius virtutum vtrique comparatio procedat ;
Berzeo , vti Xauerio , laborum tunc delatum est præmium , cum in pro-
cinctu esset ad illos integrandos . Paranti ad Sinas ingressum Xauerio , è
vita exitus superuenit ; & Berzeo similiter commeatum in Aethiopiam
præstolanti , vt Patri optimo , & magistro colendum relinqueret
Orientem . Qua de re literas ad Imperatorem Aethopum scriperat ,
spondens fore ut illi compertos ficeret errores quibus ipse cum suis
falleretur , scripserat & ad Lusitanos de hac facultate sibi obtainenda ; cer-
tum Simoni Roderico Sacrorum promiserat numerum , si hanc ab Ignat-
io impetraret , ipsique Ignatio si eam concederet . Nec vero illam ne-
gauit Ignatius , et si enim Goæ , maiori animorum compendio hædere
videbatur , at enim à Deo si acceisebatut in Aethiopiam , nec eo anno
Patriarcham illuc censuisset Rex Lusitanæ debere proficisci , hanc ei li-
beram potestatem Ignatius fecerat . Quod si ut votis omnibus ambie-
bat ad cœitus suis ab Xauerio socius ad subiiciendum cruci Orientem ,
mira quædam versabat animo , de quibus spes suas , præmaturas , sed
summas , & ardentes significabat Ignatio ; nimurum se Christum Iapo-
niæ , ac Sinis illaturum , iis Christo iam partis , transgressurum in Tartar-
iam maiorem ; inde remeaturum in Europam , adductisque in eo re-
gressu ad Ecclesiam infidelibus illorum tractuum , præsto se Romæ ad
illius pedes ad futurum , votis quidem expectationis , & confidentiæ
ultra modum projectis , verum apud illos qui non norunt (vt norat ipse
atque Xauerius , iisdem fere verbis , eadem apud Ignatium professus) velle
nos iure omnia quæcumque vult Deus ; hoc est ne posse quidem nos
I E S V M quod ait Apostolus digne à nobis nominari , & sola nostra te-
nuitate fretos , at si nobis vti Deo placuerit ; nihil esse tam arduum ac
tantum , quin possit à nobis superari , & confici : sed hos diuinorum
ignium heros sensus nisi in animis excellentissimæ virtutis , & Apo-
stolicæ sanctitatis minimè deprehendas , qui ex Xauerij præscripto ,
omnem à se mortalis cuiusvis , & debilitatis suæ expulerint metum ,
mortisque adeo ipsius ; imo quibus mors ipsa in voto sit . Cuiusmodi

Berzeo



Berzeo inerat comparatio magnæ mentis ad martyrium tam feruens, ut loqui de re alia nesciret, nisi de morte pro Christo oppetenda, aut vita in summis, animarum causa, colluettationibus relinquenda quare lapidibus saepius ab Saracenis appetitus, haud quicquam propterea abstitit, solus inter alios de religione disputare; vel Iudeorum mensis accumbere, quanquam veneficij suspectis; vel ad consueta opera exire, et si sole Ormuzij, quam torrente sub zona nocentiū, medios dies inflammante, & dehortantibus ab eo Lusitanis sic respondit, ut si hæc foret ab æstu quo ardebat maiori, refrigeratio; valetudinis, & virium prodigus, decem operarum æquabat vices; labori nouo præcedens initium dabat, virtute semper tam actuosa, & viuida velut ipse acquiesceret labori, quiete laboriose vexaretur. Quod eius manifestum fit ex Epistolis, Apostolicum placè virum spirantibus, quas hic integras reddi, si munus historiæ non vetaret, spectaremus germanam iconem ipsius absolutissimæ virtutis delineatam ab ipsomet nihil minus cogitante. Clamdam tamen de illo quæcumque memorauit, vnius ex literis particula, Cominbricam ad nostros scribentis. [Quam diuersa, inquit, vobis sit à nobis peregrinandi forma! sunt plane iucundæ peregrinationes vestræ, mense uno clauduntur, diuersoriis leuantur Xenodochiorum, & lectulis; esto immundis, sed aliquid somni præbentibus; recreantur dulci impatientia fratres carissimos reuisendi, qui vos in redditu gratulabundi accipiunt, suoque vel solo aspectu suauissimè reficiunt. Hic trichiniis, lectis, carorum salutationibus, complexu, omnibus denique caremus. Vobis quidem, sat scio, in perpetuum orbatus viuo, & consuetudinis vestræ suauissimo congressu, cuius nunc demum agnosco pretium cum nisi & serò, & frustra id possim cupere. Verumtamen in solitudine hac mea, tantum mihi assumo animorum, ut neque me Ormuziensis æstus interdiu sternat violentia; nec frangant noctes operissimæ; ac minentur licet indigenæ futurum si pergam, ut vitam breui hæc assiduitas extinguat (nam etiam noctes audiendis confessionibus tribuo, & magnas habeo gratias, si tres ad quietem de illis horas demam;) haud propterea labori parco. Hic in summa versor omnium egitate, corporis, animi, victus, & horarum, quarum etiam momenta desidero. Vobis ad pensa diuini officij recitandi, ad contemplationem cœlestium, & curandum necessariis corpus, tempus suppetit opportunitum. Hic nisi Deo & proximo nihil mihi temporis suppetit. Præstare quod vellem non valeo; meam tamen in Cruce omnem depositam habeo, hac meam salutem fulcio, & debilitatem mihi congenitam Christi robore stabilio. Unus meos omnes amores possider, hunc sponsum imitatus, myrræ fasciculum sinu gesto, quis enim me ab Christi amore diuidat? Ne vos meæ quas dico, dicturusque sum molestia territent; nam etsi sum Christi gregarius, & imbecillus miles, paucæ mihi & leues videntur, ad eas quas aueo pro illo perpeti apud vos animum distrahunt occupationes; apud nos colligunt; nostrum enim agere ac pati,

pati, Deum pro scopo solum habet: afflictiones hominum, & fauorem; contumelias, & honorem; mœrorem animi & quietem promiscue habeo; hic ego adoratione reuerenti, alibi lapidatione, crucibus illic excipior. Vobis istic abundant lacrimæ, sanctæque animi voluptates, quas si quis interdum exarefaciat cœli squalor, mestis, per vicos, & plateas, & in lectulo per noctem, demum vbiicumque vobis perierit, quem diligit anima vestra, requiritis; at hic soli deserti siccitas maxima, riuos nobis perennes fundit consolationum. Si vos fratres mei! desideria incidunt Indicæ expeditionis, copiosum parate virtutis viaticum; erit enim profecto itineri tanto pernecessarium. Stabilitate animum humilitate solida, obediëtia, paupertate castimonia, Dei & proximi amore. Regnant enim his in locis hæ dotes animorum. Inducit nos sancta humilitas in Dei, nostrique notitiam; asserit in veram libertatem obedientiæ seruitus; magna sunt paupertatis diuitiæ, nam præter pauperem quis diues, & nihil cupientem? è contrariò quis egens, nisi diues cui nihil sufficit, speculum vero est Castitas, in quo reflexa Dei imago cernitur, & in iis quæ condidit, eius bonitas diligitur: multitudinem denique peccatorum operit caritas stola diuinæ maiestatis.]

Iam noua hic mihi latifundia se pandunt, colonorum præstantium strenuis manibus versata, libri subsequentis illustre argumentum, Christianæ rei, & Societatis nostræ in Molucco successus egregios complectens. Priusquam tamen Indias deserio, memorandi sunt mihi post Berzeum pauci quidam posteritatis fama digniores, qui ad beata laborum præmia illum præuerterunt. In primis vero Melchior Gonzales Lusitanus, Christi vineæ cultor indefessus, de Bazaini Ecclesiis, & attinentibus illuc Salsetanis laudem promeritus singularem. Societati Conimbrece anno quadragesimo sexto supra sesquimillesimum adiunctus, die mensis Aprilis vigesimo quinto, mox Indiam petere iussus est tyrocinio vix dam absoluto, & quod eius virtutis indicium est non leue, præesse sociis, qui naui eadem vehebantur, inter quos magnus Dei seruus, de quonos haec tenus, Berzeus. Goam applicuit Septemb tertio anno 1546. & sub aliquantulum quietis ab Xauerio mittitur Bazainum, nostrorum illic Recturus Collegium, & Christianorum Pater, Ethnicorum Magister futurus. Stationem illam perpetuo tenuit, & quamvis inde Goam reuocatus, ut reauigaret in Europam, & de rebus Indorum Christianis certiore factum Ignatium permoueret ad quamplurimos illuc secum remittendos, sed hasit tamen Bazaini, religioni enim duxit Antonius Gomezius, qui eum acciuerat, tam solerti Euangelij ministro Indiam priuare, naui quam concenderat eductum, Bazaino & assuetæ operæ reddidit. Quanto illic animarum bono rem Christi procurarit, Bazaini, & Tanæ arcibus Praefecti suo illius ingenti præconio Goam perscripsere. Excurrebat inde in Prouincias confines, simulachrorum cultoribus habitatas, & semper lætos ex iis manipulos reportabat, hoc est quadringentos & plures, in Christi horrea, sin-

32.
Mors P.
Melchior
Gonzalez.

L gulis

